

五百弟子本起經

共六末

竟一

三經同卷

大迦葉本經

竟一

四自侵經

羅云忍辱經

佛說大迦葉本經

西晉三藏竺法護譯

陳

聞如是一時佛遊王舍城靈鷲山亦時城中
 有勢富梵志名曰尼拘類無晉志曰財富無數金
 銀七寶田宅牛馬不可稱計梵志有子名曰
 畢撥學志捨六十佉梨金寶好物及干具犁
 牛捐仁賢妻天下第一光顏微妙面色為最
 心自念言當趣世間阿羅漢學淨修梵行詣
 多子神祠叢樹之下噉食其果於是世尊轉
 大法輪轉法輪竟與比丘眾退至多子神祠
 止其精舍於時畢撥學志夜欲向明住立遙
 見世尊在叢樹間光明遠照威曜普達心即
 念言今此叢樹天已向明威神普照光明無
 量殊妙巍巍於此樹間必有鹿王大雄師子

若有天神及大神通神足大變必亦不疑我當往觀時畢撥學志即從座起往詣叢樹遙見世尊光明百千足底相文衆好具足即時歎曰吾等先古神仙所遺經典說有瑞應三十二大人之相分別具足當趣二處設在家者爲轉輪聖王主四天下選擇要教治以正

法刀杖兵甲制而不施假使出家棄國捐王當爲如來至真等正覺明行成爲善逝世間解無上士道法御天人師号佛世尊寧可親觀畢撥學志往詣佛所觀世尊在於樹間端嚴而坐猶大形像七寶合成威神巍巍諸根寂定道心靜然逮最憺怕忽然情淨度于彼岸猶若金山若須彌王猶如夜坐於幽冥然大炬火譬龍在深淵其水清涼相三十二莊嚴其身如大山王頂有大火然如日出山崗光曜普照如月盛滿衆星獨明如轉輪王眷屬圍繞八十種如編布其體猶如千華各各開擺億百千光從聖體出畢撥學志見佛如

是心懷欣然如冥見光尋趣世尊揖讓談語自達姓名却坐一面佛爲說經解若干義分別其慧論佛世尊有誨悅辞布施持戒愛欲之病泚塵勞心出家爲上憤擾諸品應病授藥尊見其心應時柔心狐疑蓋心悅之心罪福之心若平等心應心與合而爲說法如諸

竟二

二

佛法察其根源而分別說苦集盡道即於座上遠塵離垢諸法眼生現在獲度觀法根源分別經典拔於狐疑得立果證受教誨慧致勇猛法即從座起更整衣服右膝著地瞽首佛足我初來時觀尊足心自說名字觀佛相好心懷踊躍而失禮敬尔時世尊告大迦葉是故賢者從今已往若族姓子有所至到心念猶月如月光照種姓光明威曜如是族姓子開目而行如是迦葉從今日始若族姓子制心修行如月盛滿遊行空時是故迦葉從今日始族姓子所遊至處制心修行猶如日光照於天下其族姓子未曾閉目制心修行

猶如日光亦當如是佛告迦葉從今日始制心修行猶如蜜蜂所至到處多所發起猶如蜜蜂採諸華味不萎色香若族姓子制心修行從今日始造行如是佛告迦葉從今已往制心修行當如地水火風得淨不喜得諸不淨屎尿膿血死蛇死人惡露不以愁憂若得

華香金銀七寶五種彩色不以喜悅無增無減族姓子制心修行亦當如是嗟歎稱譽安樂歡豫不以爲悅若遇誹謗衆苦惱患不以愁憂佛告迦葉從今日始族姓子制心修行當如拂淨物亦拂不淨亦拂屎尿涕唾膿血死狗死蛇死人惡露不以淨悅不淨不憂若

竟一

三

族姓子制心修行亦當如是佛告迦葉從今以往制心修行當如掃帚淨亦拂不淨亦拂佛告迦葉從今以往族姓子制心修行當如殞祝子常低頭行在所至到常內其手若裸形人羞身不蔽在於世間趣欲活命不說本姓若不可不以自宣若族姓子制心修行

亦當如是

佛告迦葉從今以往族姓子制心修行如截角牛如牛截角賢善柔順不貪四事詣於四衢於四衢道無有門戶而危其命若族姓子制心修行亦當如是佛告迦葉從今以往制心修行當如鐵釜又如諸燈如釜燈穿多有

孔漏滿中油脂如明眼人從一邊觀釜燈諸孔脂油漏出各各墮地若族姓子察身非常四大合成九孔穿漏皆出不淨不貪樂身不以爲奇於是大迦葉從佛世尊聞月喻行即受諷誦觀入脫門佛告迦葉詣光曜樹迦葉應曰唯然世尊即從座起在佛後住時與大

迦葉出其叢樹詣異叢樹尋復出去坐異樹下告大迦葉於此樹下爲如來敷座吾身疲弊其背甚痛迦葉受教促疾促疾爲佛敷座令其方正敷座已竟前白大聖敷座已訖唯願就坐佛尋坐竟告迦葉曰是地柔軟細滑妙好迦葉曰唯然世尊彼地此地今者人身

會歸此地唯然世尊歸於盡滅持心忍辱當如是地今我法衣亦柔軟好願佛常愍加哀受之佛告迦葉假使我受柔軟縫衣汝服何等迦葉白佛往古諸世尊讚譽若族姓子著塚間死人弊衣及五納衣為安諸天及世間人佛言善哉善哉迦葉多所哀愍多所安隱

著弊納衣往古諸佛所稱歎者迦葉汝起促取水來吾甚飢渴意欲飲水唯然世尊即受教起替首足下繞佛三匝促疾促疾欲行取水諸比丘見尋時問之仁為耆年不以貢高亦不憂感寂除歎欲入無所處何因為沙門欲受具戒今為所至迦葉報曰汝等詣佛以

竟二

四

持此事白問大聖悉當為汝分別說之於時賢者大迦葉即取水來往奉上佛佛尋受之飲水竟便殘水持與迦葉迦葉即受以著一面長跪叉手右膝著地更整衣服白世尊曰我行取水見諸弟子及諸比丘問我曰仁為耆年不以貢高不以憂感亦不癡妄寂諸四

事眾欲之歿我自捨六十佉梨金妙珍寶犁牛千具棄妻玉女天下第一其有世間能成羅漢吾當從受今者弟子諸比丘眾悉來問吾我時前在子神祠在叢樹下散其果菴於是世尊未受具戒亦時世尊遊於王舍城我時在竹樹間迦蘭園明旦著衣持鉢入城分衛見日大殿有千光出時佛世尊在王舍城迦蘭竹樹間時見世尊吾自憶念謂日更出若大天神夜忽如晝時佛晡時從宴坐起如月宮殿振大光明則以覆蔽諸日月光譬如大炬照於闇冥佛在弟子眾中威神光明亦復如是為諸比丘講說經法如轉輪王與諸子眷屬俱與無央數眾比丘俱吾亦時觀死不覩見諸比丘眾無能受者無能為師唯獨如來特出世間興隆道化而取滅度今諸比丘故來問我亦時世尊告迦葉曰多有比丘不了善惡覺與不覺不解福田諸法之處多有誼理是說第一迦葉最尊不以貢高平

等無憂寂諸四事諸欲之廼第一成就受具足戒佛說如是賢者迦葉及諸比丘莫不歡喜

竟二

佛說大迦葉本經

佛說四自侵經

五

西晉三藏竺法護譯

佛言風夜不學老不止姪得財不施不受佛言是四出心還自侵身往古豪富傲尊自恣國王帝主世俗愚人但知晝夜過疾不覺命盡常欲瞋怒強很自用姪憍貪富今為所在不好經道惡聞自侵走心恣意放逸無禁當亦之時不覺饑渴不能自惟九孔瘡癢臭處不淨行止卧覺百端諸事種苦惱根慢於大法不曉愛身老病來時姿顏則變五樂之欲不可常得病著牀時擾動不安死命忽至身當敗壞安得久乎死生不絕惡道不休已身壽命亦與死生苦惱憂患皆由已矣以是觀

之何者是人姪色戲樂歌舞倡妓幾何間耶若如呼吸慧之明之改其志分守身真潔世間所有一歸空無假使歌戲人不觀樂不如為快歌者便耻衆人迷惑常樂妓樂疾病憂至亦乃愁感安隱之時多事萬端不為身計已招萬罪殃禍響應不能分別所因致身身若盡瓶內滿不淨臭處膿血猶如革囊裹於不淨不知內外身當歸盡常以彩色脂粉莊嚴自謂端正顏貌無雙不察九孔瘡病流出斯人之等羅網所纏莫能觀身譬如幻化恍惚不現惟有道士觀世俗人迷惑如此常自計身諦觀一切優優紘紘但諍咽喉不急之事禍從口出千凶萬罪還自纏繞或相害傷忿怒成仇皆由貪起競諍利欲群迷雷同不識道義之真俗偽之惑老死忽至不得自由仁賢知者若能曉了財物非常忽若風雨暴至如電如寢幻化野馬無常對至人所不喜終始連鎖縛著相隨不離五陰六衰之獄不

竟二

六